

آبونه اولمق ایستینلردا اثره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

قانون محاکمه

سنه لکی در سعادت ایچون مجیدیه
یکرمی غروش حسابیه التمش
غروشدر

طسره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در


هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تبلیغات

مأمورین طرفدن ویریه جک مأذونیت استدعا-
نامه لری اوزرینه بالحواله بلدییه طبابتدن یازیه جق
راپورلرک رسم تمغایه تابع اولوب اولمدیغی استفساری
متضمن بغداد ولایتی عدلیه مفتشکلندن یازیلان ۹
میس سنه ۳۲۳ تاریخی شقه اوزرینه بالخابره مالیه
نظارت جلیله سندن وارد اولان تذکره جوابیه ده
دوائر رسمیه طرفدن او یولده حواله ایدیه جک
مأذونیت استدعا نامه لری اوزرینه بلدییه طبابتدن
ویریه جک راپورلر رسم تمغا قانونک معافیات فصلک
برنجی نومروسنده کوستریلان دوائر رسمیه بیننده کی
معاملاتی حاوی اوراق رسمیه جمله سندن اولمسلیه
بونلره پول الصاقه محل اولمدیغی بیلدیرلش اولغله
اکا کوره ایفای معامله اولنسی لازم کله جکی حقدنه
عدلیه نظارت جلیله سندن مذکور مدعی عمومیلکه
تبلیغات مقتضیه ایفا قلمشدر.

پرله قضاسی اهالیسندن مصطفی اغانک محکوم به
دینندن طولایی بالمزایده داینی علوش اغا نامه سند
خاقانیسی ویریلان معلوم الحدود اراضینک اولجه دائره
بلدییه دن مدیونه اقراض اولنان مبالغ مقابلنده محجوز
اولدیغی متعاقباً اکلاشیله رق معامله سنک تأخیری
طابو اداره سنه بیلدیرلشندن ناشی مرقوم علوش اغا
ورثه سی طرفدن اراضی مذکوره نك شخص آخر
عهده سنه فراغه مترتب معامله نك اداره مذکوره جه
ایفا ایدلما مکده اولدیغندن بختله اشعار سامیه عطفاً
استفسار معامله یی متضمن مناسر ولایتی استیناف
محکمه سی مدعی عمومیلکندن وارد اولان ۸ تموز
سنه ۳۲۳ تاریخی شقه ایله ملفوفاتی انجمن عدلیه یه
لدی الحواله محلی اجرا دائره سنجه حکم اعلامه
استاداً موقع مزایده یه قونیلان اراضی مذکوره نك
مشتربسی عهده سنه احاله قطعیه سنک اجرا وسند
رسمیسنک اعطاسی صورتلریله تکمل ایدن معاملات
تنفیذیه نك طوغریدن طوغری یه رئیس اجرا جانبندن

تعدیل وتصحیحی قانوناً غیر جائز اولمسلیه ذکر اولنان
سند خاقانینک تنظیم واعطاسندن صوکره تأخیر
معامله یه دائر سبق ایدن اشعارک حکم سنرلکی
ومأمورین بلدییه نك دخی ایستدکلری حالده ایجاب
ایدنلر حقدنه اشتکا عن الحکام طریقیه و ذی الیدی
علینده دخی اراضی مذکوره نك استردادی صورتیه
دعوی اقامه سنه صلاحیتلری طبعی بولندیغی افاده
قلمش اولغله اکا کوره اقتضاسنک ایفای ایچون
عدلیه نظارت جلیله سندن مذکور مدعی عمومیلکه
تبلیغات مقتضیه ایفا قلمشدر.



محاکمه قلمشدر

۶۱۰ نومرولی نسخه ده مندرج در سعادت

جنایت محکمه سی اعلامنک بقیه سی :

چقور بوستانده فنائی محله سنده بر خانه ده
مستأجراً اقامتله اقسرایده قوندیره جلیق ایتدیگنی
افاده ایدن یکرمی التی یاشنده آستانه لی صاوه
ولد واسیل آلمش اولدقلری بر بچق قیه اتی فرونه
ویردکن و صراندی ایله برلکده بر جنازه یی کلیسیاه
کوتوردکن صوکره عودتله متهم خرستوموز ایله
علی بک بقال دکاننده عشرت ایتمکده اولدقلری
کورملریله صراندی دخی اوتوروب عشرته باشلادیغنی
و کندوسی فروندن تپسی یی آله رق مذکور دکان
اوکندن کچر ایکن مرقومونک تکلیف لری اوزرینه
ایکی قدح دخی کندوسی ایچهرک هایدی یمک یه لم
دیدیکنده سن کیت سفره یی حاضرله بزکلورز
دیملریله قهوه خانه یه کیدوب بکلدیکی و دفعاتله مرقومونی
چاغردیغنی حالده کلدکلری اجلدن برایکی لقمه ییوب
قهوه خانه نك پیکه سنده یادیغنی و بر مدت او یودقدن صکره
علی بک کلوب او یاندر مسیله باقدیغنده صراندینک
خرستوموزه بیرا کتور و خرستوموزک دخی اوستهم
یوقدر کتورهم دیوسویلمکده اولدقلری ایشتمسلیه
قالقدیغنده هر ایکسی بر بچاغه صاریلوب چکش مکده

و خرستوموزک یوزندن قان آققده اولدیغنی و بالاخره
ورود ایدن مأمورین ضابطه متهم خرستوموزی
طوتدقلرنده بنم دوداغمی کسیدی اولدیره یم دیمش
ایدوکنی مشاهده واستماع ایدوب فقط ماده جرحی
کورمدیکنی بیان وشهود مستمع دن یانقو و علی بک
ایله مواجهه لری بالاجرا خرستوموزک بچاقله
صراندی یی جرح ایدرکن صاوه نك دخی اوراده
حاضر بولندیغنی در میان ایتلریله و مزبور صاوه نك
تحقیقات ابتدائیه ده ضبط اولنان افاده سی او قوتدیریه رق
صراندی و علی بک و خرستوموز ایله برلکده طعام
ایتدکلری صره ده سفره دن قلقوب بقال لغردن ایکی
شیشه پیره آلقده ایکن صراندی کیدوب ایسته مز دیدیکنی
و بوضعه ده علی بک و بالاخره کندوسی دخی بقال
دکانه کیدوب یمکک صغوق اولدیغنی سویلیدیکنده
مرقومونک عودت ایلدیگنی و یمکی ایصتق اوزره
لفترک فرونه کیتدیگنی و خرستوموز ایله صراندینک
یکدیگر یله قاشدقلرنده یانلرینه کیدوب مرقومانک
بر بچاغی طومش و فقط بچاغک قبضه سی خرستوموزک
یدنده و تیمور طرفی دخی صراندینک النده بولمش
اولدیغنی کوردیکنی و صراندینک بچاغی براقوب یره
دوشدیکنی سویلیدیکی اکلاشلمسلیه افادانده مبیانت
وقوعی تفهیم اولنهرق طوغری یی سویلیسی اخطار
اولندقدنه محکمه ده کی افاده م طوغری بدر ضابطه ده
سرسم ایدم نه سویلیدیکی بیلیمورم سوزینی تذکار
و بچاق ارئه و سؤال اولندقدنه متهم طانیدیغنی
وشاهدلردن علی بک خرستوموزک کشیده و صراندی یی
جرح ایلدیکی بچاق اولدیغنی و یانقو دخی دقت
ایده مدیکی جهتله آلت قتلك ارئه ایدیلان بچاق
اولوب اولمدیغنی بیلمدیکنی و صاوه دخی ضابطه ده
کوردیکی بچاق اولدیغنی علاوه کفتار ایلدیلر مرقوم
صاوه نك دوشونمی ایچون خارجه چیفارلادی و هیئت
مذاکره اوطه سنه چکلدی.

اون دقیقه مروری معقب محاکمه صالوننه
چیقلوب مرقوم صاوه حضور محکمه یه کتوردیلهرک
طوغری یی سویلیسی دفعاتله اخطار اولندقدنه

محکمه‌ده‌کی افاده طوغریدر سوزنده اصرار ایلمکه
وعلی بک ایله یاقونک انای وقعه حاضر بولنوب
کندولرینک مشاهداتی صاوه‌نک دخی کوردیکی
سویلرندن وضابطه‌ده وقوعبولان افاداتی تغییر
ایلدیکندن طولانی مرقوم صاوه‌نک شهادت کاذبه‌ده
بولندینی حس ایلمکه بوباده اجرای تحقیقاته
استیاف اعضاسندن عزتو حاجی شوقیک مستطق
مخصوص تعیین قله‌رق لازم‌کلا توفیق مذکره‌نسک
تسطیرینه قرار ویرلدیکی جانب ریاستندن تفهیم
قلندی .

علی هذا طرفینک توسیع تحقیقاته متعلق بشقه
مطالبی اولدینی عند السؤل اکلاشلمغله تحقیقاتک
بولندن عبارت ایدوکی بیان اولندقه معاون مومی‌ایله
متمم خرسٹوموزک بالنازعه صراندی‌ی جرح و قتل
ایلدیکی شهادت ومعاینه راپوری مندرجاتیه ثابت
اولدینندن بختله اولوجهل مجرمیتیه قرار ویرلسنی
طلب ودعوی و وکیل مدافع اغوب بحری افندی
دخی مقتول صراندینک سابقهلی و جرائم متعدده‌ایله
مألوف طاقندن اولسی وموکنک افاده استطاقیه‌سی‌ایله
ضابطه‌ده‌کی افاده‌سی دائره موافقه‌دائر ومقتولک بیر
ایستیوب موکلی آرزوسی اسعاف ایتماسندن مغیر اوله‌رق
تشریر سلاحله موکنه هجوم ایلدیکنه متدائر اولوب
یوسرده موکنک بیخانی طومنسیله اوغراشمقده‌لر
ایکن مقتولک کندی کدینه مجروح اولدینی استدلال
قلتمقده اولدینندن ووقعه‌نک فرداسی نشر اولنان
غزته‌لرده موکنک لهنه مصروف اوله‌جق صورته
محرر بولندینندن موکنک برائته قرار ویرلسنی استدعا
ومتهم مرقوم دخی بشقه‌ده‌جکی اولدینی انبا ایتملریله
حاکمه‌نک ختام بولدینی اکلا دیله‌رق مذاکره اوطنه‌سنه
کیدلی .

محاکمه جاریدن تبین واوراق تحقیقیه بالمطالعه
مندرجاتندن تبین ایدن احوال حاده تدقیقندن اصرار
وکیفیتک مذاکره‌سنه ابتدار اولندقه قتیلاً وفات
ایش اولان صراندینک کیفیت جرح وقتلندن طولانی
اتهام ایدلان خرسٹوموزابتدا حضور محکمه‌ده کندیوسی
ضرب وجرح و قتل ایتمدیکنی سرده قیام ومدافعه
وکیلی اغوب بحری افندی دخی برطاقم مدافعات
سردیه موکنک برائتی لازم کلدیکی بولنده افاده
مرام ایدوب حالبوکه متممک سؤل واقعه قارشو
مقتولی تکمه‌ایله اوره‌رق یهدوشوردیکی اقرار ایله
تأویل ماده وبرچهارشنبه کوئی استباطک غازیونسک
باغچه‌سنده متمم خرسٹوموز ایله مقتول صراندینک
منازعه ایتمکده اولدقلری صرده متمم مرقومک الله
بولان بیخاقله صراندینک یوزینه طوغری صالیرمش
ایسه‌ده طوتدیرمدینی اجدان تکرار هجومنده

قاصینندن جرح ایلدیکنی وصراندینک دخی جان
هولیه متمم خرسٹوموزک دوداغی ایصیردینی مشاهده
ایتدیکنی حقوق عمومیه شپودندن ترزی یاقو ولد
اندریقونک ومتممک طعام اناسنده کتورمش اولدینی
بیرینی مقتول صراندینک اعاده ایتدیرکدن صوکره
طیشاری چیغمش اولان صاوه ومتمم خرسٹوموز
ومقتول صراندینک بالورود قهوه‌خانه‌نک باغچه‌سنده
روجه برشی قوشونقلری اتاده متمم خرسٹوموزک
بردن بره صراندینک اوزرینه هجوم ایدرک حامل
اولدینی بیخانی مرقوم صراندی صابلا دینی ومقتول
صراندی بیخانه صارلمش اولدینندن صاوه‌ایله برلکده
متهمی طومتق ایستدکلی اتاده مقتول صراندینک
جان اجیسیه متمم خرسٹوموزک دوداغندن ایصیرمسی
معقب متممک تکمه‌ایله دخی صراندی به اوردینی
کوردیکنی علی بک بن اسلامک هربری افاده و اخبار
ایلسنه و دیگر شاهد صاوه‌نک وقوع جرمی کورمماسی
حقیقت حاله غیر مؤثر ومقتول صراندینک معاینه‌سی
حاوی راپورده جروح متعدده‌سی بولندینی وفخندده‌کی
جریحه‌سندن متأثر وفات ایلدیکنی وسایه صابلی آلت
قاطعه‌نک صفیحه‌سی اوزرندکی لک‌لرک تازه قان
لک‌سنه مشابه ایدوکی ومقتولک فخذنده‌کی جرحه‌ی
حصوله کتیره‌بیه‌جکک اکلاشدینی مشعورکولسنه
وضابطه عدلیه تقریری دخی شهادت واقعه‌ی تنویر
ایتمکده اولسنه ومتممک شقه‌سنده اولان جرحه‌نک
عضاً وقوعی دیگر راپورله مصدق اولسی مقابله
شابه‌سی چورتسنه ومقتولک جارحی متمم اولدینی
تعیین ایدوب ملک‌الموت حضورنده برمجروح کدنی
اختیار ایتماسی لازم کلسنه ومتممک افادانه ومدافعه
وکیلک مدافعاته کلندکده متمم ایله صراندی میاننده
وقوعبولان منازعه اوزرینه بقته متممک بیخاق
کشیده‌سیله صراندینک اوزرینه هجوم ایدرک جرحه
اجتسار ایش اولدینی ومقتول مرقومه بیخاق
اولدینی بوجه مشروح جمله شهادتندن اولسنندن
ورسی اولیان غزته‌لرک روایتی حکمسز بولنسنندن
ناشی متممک انکار وتأویلاتی واسباب مشروحه‌یه
قارشو وکیلک کافه مدافعاتی باطل بولنسنه بناءً متمم
خرسٹوموزک ۳۳۳ سنه‌سی ماینسک طقوزنجی کوئی
اقسرای جوارنده یکی محله‌ده استباطک غازیوسی
باغچه‌سنده صراندی‌ی بالنازعه والهور جرح و قتل
ایلدیکی ثابت اولدینندن اولوجهل مجرمیتیه وجاهاً
ومتفقاً قرار ویریلرک محاکمه اوطنه‌سنه عودته قرار
مذکور علناً قرائت و بیان اولندقه معاون مومی‌ایله
مجرم خرسٹوموزک قانون جزانک یوز یتش دردنجی
ماده‌سنه توفیقاً تحدید جزاسنی طلب واستدعا و وکیل
مومی‌ایله ایله مجرم دخی بشقه دیه جگاری اولدینی

انبا ایتملریه تبین جزایه متعلق محاکمه‌نک دخی
اختصاصی بعد الاقهام تکرار مذاکره اوطنه‌سنه
کیدلی .
عندالذاکره مجرم خرسٹوموزک حرکتی قانون
هایون جزانک یوز یتش دردنجی ماده‌سنک فقره
اولاسنه موافق وفقره مذکوره « برکیمه من غیر
تعمد بر شخصی اتلاف ایش ایسه اون بش سنه
مدته کورکه وضع اولنور » عبارسنی ناطق اولدینندن
اشبو حکم قانونی به توفیقاً وابشده‌ی توفیق اولان
۳۲۵ سنه‌سی ربیع‌الآخرینک اون ایکنجی کونندن
اعتباراً اون بش سنه مدته کورکه قوشننه ومصارف
محاکمه اولان جمعاً یوز الی غروشک کندیوسندن
بالتحصول عدلیه وزنه‌سنه تسلیم ایتدیرلسنه ۳۲۳
سنه‌سی اغتوسنسک طقوزنجی کوئی کذلک وجاهاً
ومتفقاً قرار ویریلرک اصول تفهیمی ایفا قلندی .

اسماعیلک احمدی ضرب ایتدیکنی ثابت اوله‌مدینندن
برائته

هایقانوشک واهرامک یوزیکنی سرق ایتدیکنی
ثابت اوله‌مدینندن برائته

یاینک اموالنه ایراث خسار ایتدیکنی ونظامنه
رعایتسز لکه خلیل اغاک مجروحیتیه سببت ویردیکنی
ثابت اولان شراف‌الدینک ایراث خسار فعلی سبب
شدت عدلیه اون بش کون مدته حبسنه ومصارف
جراحی‌نک مرقومدن بالتحصول مجروحه اعطاسنه
مجیدی جرح ایتدیکنی ثابت اولان اسماعیلک
برهفته حبسنه

یورکی ولد وانکک خلاف تنبیه سلاح طاشیدینی
ثابت اولدینندن بش بشلک جزای نقدی آلمسنه
ویقتورینک انکله‌یه اطاله لسان ایتدیکنی ثابت
اولدینندن ایک آلتون جزای نقدی آلمسنه
یاینک دیقراقی ضرب ایتدیکنی ثابت اولدینندن
ایکی آلتون آتوب مضروبه ویرلسنه

ابراهیمک عثان افندی به تسهیرسلاح ایلدیکنی ثابت
اولدینندن اون کون حبسنه

تریقونک واسیلک ساعت واشیاسنی سرق ایتدیکنی
ثابت اولدینندن اوچ ماه حبسنه وختام مدت جزایه‌سنده
ضابطه‌جه کفالت آلتنه آلمسنه

ابراهیمک ماچونک اموالنه ایراث خسار ایتدیکنی
ثابت اوله‌مدینندن برائته

رضانک اوزرنده خلاف تنبیه سلاح طاشیدینی ثابت
اولدینندن کندیوسندن بش بشلک جزای نقدی آلمسنه
راتب افندی به اجرای وظیفه حالنده ایکن

قرار ویرلمش اولدینندن قانوننامه تجارتک ۱۷۰ نجی
ماده‌سی موجبنجه دائمی سندیکلر انتخاب اولنق
اوزره [۸ ایلول سنه ۳۲۳] صالی کوئی ساعت
سکرز راده‌لرنده اصحاب مطلوبک محکمه مذکوره
مصالح افلاسیه رؤیتیه مخصوص اوطنه‌سنه کلری
اعلان اولنور .

مُحَاکِمَاتُ اِنْدِیَا هِیَہ

اسامرا قضاسی ناجی ویدایت محکمه‌سی رئیس
عبد اللطیف افندینک طولاندر بیخلیق صورتیه
وظیفه‌سنی سوء استعمال ایلدیکنی بغداد ولایتی عدلیه
مقتشلکندن وارد اولان اوراق تحقیقیه محتویاتندن
مستبان اولسنه مبنی محاکمه آلتنه آلمسنه عدلیه
نظارت جلیله‌سندن مأذونیت ویریلرک محله تبلیغات
مقتضیه اجرا وکیفیت محاکمه‌سندن طرف عالی
مشیختنهایه‌ده معلومات اعطا ایدلشد .

اِعلانات

تجارت بحریه محکمه‌سنه

قوزغنجده مقیم مانیفاطوره تجارتندن هازی
پارناسک ۱۰ ایلول سنه ۳۲۳ تاریخندن اعتباراً اعلان
افلاسنه ومصالح افلاسیه‌نک رؤیت وتسویه‌سی ضمنتده
اعضای محکمه‌دن سعادتو ابراهیم بکک ژوزقومیسر
ودعوی وکیللرندن قبله کال افندینک موقت سندیک
تعینلریه ومغازسیله اشیای زائده بیتیه‌نسک تمهیرینه
واوراق ودفاترینک جلبه وکفالت اراده‌ایده‌مدیکنی
تقدیرده حبس وتوقیفه وبوباده‌کی قرارک موقتاً
اجراسنه تجارت بحریه محکمه‌سنجه قرار ویرلمش
اولدینندن قانوننامه تجارتک ۱۷۰ نجی ماده‌سی موجبنجه
دائمی سندیکلر انتخاب اولنق اوزره ۳۲۳ سنه‌سی
ایلولک یکرمی دردنجی بازار ایتسی کوئی ساعت
یدی راده‌لرنده اصحاب مطلوبک محکمه مذکوره‌نک
مصالح افلاسیه رؤیتیه مخصوص اوطنه‌سنه کلری
اعلان اولنور .

محکمہ تجارت امرا دائره‌سنه

حاجی عارف اسحق بکه ایکنجی تجارت محکمه‌سی
اعلامیه محکوم به دخی اولان مبالغت تسویه‌سی
ایچون محمد جودت بکک اسکدارده حسنات خاتون
محله‌سنده بیوک اسکله‌نک چشمه میدان زغاندده طقوز
نومرو ایله مرقم علی التخمین ایک یوز الی ذراع
مقداری مقدما کره میدجی عرصه‌سی نامیه معروف
الیوم خالی عرصه‌ده الی حصه اعتبار یله متصرف
اولدینی ایک حصه‌نسک فروختی قرار آلتنه آلتش
اولمغله برموجب قرار حصه مذکوره تاریخ اعلاندن
اعتباراً اون بش کون صوکره موقع مزایده‌یه وضع
ایدیلرکندن استراسنه طالب اولانلرک بوندن زیاده
معلومات آتی ایستیلرک محکمه تجارت اجرا دائره‌سنه
مراجعت ایلری اعلان اولنور .

درسعادت امورات نظامیه امرا دائره‌سنه

صراف علکسینک عزتورچائی بک ذمتده محکوم به

آله‌جینی اولان مبالغت تأمین ایچون مومی‌ایله
والده‌سندن انتقال ایدن ایوبده جامع کیر محله‌سنده
کاش تخمیناً الی آرشون عرصه اوزرینه‌مبنی و شهری
ایکی یوز ایش غروش ابحارکتوریر بر باب قهوه‌خانه‌نک
نصف حصه‌سی اجرا قتلان مزایده نتیجه‌سنده لیرای
عثانی یوز غروش حسابیه اون بر بیک غروشده
طالبی عهده‌سنده تقرر ایدرک موقتاً قرارداده‌سی
کشیده قلنمش اولدینندن یوزده بش ضم ایله طالب
اولانلرک تاریخ اعلاندن اعتباراً اوتوزبر کون طرفنده
درسعادت اعلامات نظامیه اجرا دائره‌سنه مراجعت
اعلان اولنور .

عدد

۱ دولاب مع جامکان

۱۲ بوش چای صندوقی

۱ اسکمه

۲ اوفق چای صندوقی

برده باغی ایچون برنج خرده

۲۳ کیر وصغیر بوش تنکه چای قوطوسی

۱ اسکی مقراص

۱۹ اوفق برتنکه دروننده طولو چای (بهر قوطوسی

یوز درهم)

۱ شیشه مع قپاق

کونش مغازمه‌ی وکیل عمومییی واسیل افندینک
چایچی خاجیک بطمیان ذمتده آله‌جینی اولان مبالغ
معلومه‌نک تأمین استیفایی ایچون مدیون مرقومک
مالی اولوب حجز ایدیلان بالاده محرز اشیا تاریخ
اعلاندن اعتباراً اوچ کون صوکره یعنی ماه حال
رومینک اون یدنجی بازار ایتسی کوئی چاققیلر
یقوشنده بیوک‌یک خان دروننده ساعت اوچ راده‌لرنده
بالزایده فروخت اوله‌جینی درسعادت اعلامات نظامیه
اجرا دائره‌سندن اعلان اولنور .

صراف علکسینک با اعلام نظاسی منور خاتم
ذمتنده محکوم به آله‌جینندن طولانی مدیونه‌نک
والده‌سندن منقل اگری قیوده حاجا الیاس محله‌سنده
طوپراق زقاقده تخمیناً ایک یوز اوتوز آرشوندن
عبارت ایک نومرولی خانه باغچه‌سی نصفک بالزایده
لیرای عثانی یوز غروش حسابیه بیک غروشده
طالبی عهده‌سنده تقرر ایدرک موقتاً قرارداده‌سی
کشیده قلنمش اولدینندن یوزده بش ضم ایله طالب
اولانلرک تاریخ اعلاندن اعتباراً اوتوزبر کون طرفنده
درسعادت اعلامات نظامیه اجرا دائره‌سنه مراجعت
ایلری اعلان اولنور .

اسکدار بدایت محکمه سی اجرا دائره سنده

اسکدارده احمدچلی محله سنده اوتوز بر نومرولی خانه ده ساکنه عشق ترکس خانمک بلغورلی قریه سنده مرحوم بسم بکک کوشکنده ساکن علی بک افندی ذمتده اسکدار بدایت محکمه سی حقوق دائره سندن ویریلان و صورتی ۱۱ تموز سنه ۳۲۳ تاریخده اعلاناً تبلیغ قلنان ۳ تموز سنه ۳۲۳ تاریخ و یوز طقسان اوچ نومرولی اعلام غیابی موجبجه آله جنی اولان یوز یتش عدد لیرای عثمانیک فائض و مصارف محاکمه سیله برابر تاریخ اعلاندن اعتباراً طقسان برکون ظرفنده موسی الیه علی بک افندیک دائره اجرایه مراجعتله تسویه ایلمی قانوناً قبوله شایان بر دیه جکی اولدینی تقدیرده مدت مرقومه ظرفنده تحریراً بیان ایتسی ایتدیکی و دینی تسویه ایلدیکی تقدیرده حکم اعلامک اجرایی و معامله قانونیه نک ایفاسی طبعی اوله جنی حقنده تنظیم اولنان اشبو اخبارنامه مدیون مرقومک الآن محل اقامتی مجهول اولمق ملاسه سیله اصول محاکمه حقوقیه قانونک یکرمی التجی و اجرا قانونک یکرمی طقوزنجی ماده لرینه توفیقاً مرقوم حسین اغایه تبلیغ ایدلش عد اولمق اوزره اسکدار بدایت محکمه سی دیوانخانه سنه تعلیق اولدینی کبی غزته لرله دخی اعلاننه مبادرت قلندی .

کبابچی محمد افندیک باغچوان جلال اغا ذمتده اسکدار بدایت محکمه سی اعلامیه محکوم به آله جنی اولان مبالغ معلومه نک تأمین استیفاسی ایچون مدیون مرقومک اسکدارده والدۀ عتیق محله سنده چاوش دره سی جاده سنده یتش اوچ نومرولی دروننده ایکی ایله ایکی کبیر قیو واشجار مئمره نی حاوی اولان وسبزه باغچه سی اوله رق استعمال قلنمقده بولنان معلوم الحدود تخمیناً یکرمی بش دونم وسعتده کی کبیر بوستانده پدری موسی اغادن منتقلاً یوز یکرمی سهم اعتبارایله قرق بش سهمنده متصرف اولدینی ربع حصه شایعه سیله ینه اسکدارده مرأت رئیس محله سنده چینلی جامع شریف جوارنده حمام زقاغنده مکرر اون یدی نومرو ایله مرقم درت اوطه وایکی صفه و برقیو و تخمیناً ایکی یوز الی ذراع باغچه یی محتوی اولوب مدیون مرقومک عهده تصرفده بولنان اخشاب خانه نک تمامی بوندن مقدم موقع مزایده یه قونیه رق لیرای عثمانی یوز غروش حسابیه املاک مذکورده دن بوستان حصه سی درتیک غروشدۀ و مع مشتملات اخشاب خانه دخی طقوزیک غروشدۀ طالبلری عهده لرنده قالمش واشبو ایلول رومینک اون اون ایکنجی چهارشنبه کوندن اعتباراً اوتوز برکونه یعنی کله جک تشرین اولک اون اوچنجی جمعه ایرتسی

کونی ساعت التیدن طقوزه قدر یوزده بش ضم قبول اولنسی و ذکر اولنان یوم و ساعتده صوک مزایده سی بالا اجرا قرار قطعیمی ویریه رک طالبی عهده سنه کچورلسی مقرر بولنش اولدیغندن و آندن صوکره هر نه ضم وقوعبولور ایسه قبول اولنیه جغندن املاک مذکورده حصه لرینه یوزده بش ضم ایله طالب اولانلرک و اطرافلیجه معلومات آلق ایستینلرک مدت مزبوره ظرفنده بدل مزایده نک عشرینه مساوی پی اچله لرله برابر اسکدار بدایت محکمه سی اجرا دائره سنه مراجعت ایللری اعلان اولنور .

خداوندگار تجارت محکمه سنده :

بروسه ده طوز بازارنده مقیم قصاب اصنافندن ابراهیم اغانک ۶ ایلول سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمانتده اعضای محکمه دن مهران افندیک ژوز قومیسر و دعوی وکیلرندن نظمی افندیک موقت سندیک تعیینلرینه و مغازه سیله اشیای زائده بیتیه سنک تمهیرینه و اوراق و دفاترینک جلبنه و کفالت مصدقه اراۀ ایدمه دیکی تقدیرده حبس و توقیفنه و بوباده کی قرارک موقتاً اجراسنه خداوندکار مرکز تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۲۳ سنه سی ایلولنک یکرمی بشنجی صالی کونی ساعت بش راده لرنده اصحاب مطلوبک محکمه مذکورده نک مصالح افلاسیه رؤیته مخصوص اوطه سنه کللری اعلان اولنور .

اردو تجارت محکمه سنده :

اردو قصبه سی تجارندن ایکن اردو محکمه بدایت تجارت قسمنجه افلاسلرینه حکم اولنش اولان طاش باشی روم محله سندن یوا کیدی پنا یوط و سقراطی ذمتارنده آله جق لرینی اثبات ویا موقتاً قبول و قید ایتدیرمش اولان آله جق لورک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جق قونقوردا تونک مذاکره سی ایچون [۲۲ ایلول سنه ۳۲۳] تاریخنه مصادف جمعه ایرتسی کونی محکمه مذکورده نک مصالح افلاسیه رؤیته مخصوص اوطه سنه کللری اعلان اولنور .

بصره تجارت محکمه سنده

بصره مرکز تجارت محکمه سندن افلاسنه حکم اولنش اولان تبعۀ دولت علیه دن بصره نک پاشا محله سنده مقیم بقال حوکی بن ابراهیم شاشک ذمتده

آله جنی اثبات و قید و تصدیق ایتدیرمش اولان آله جق لورک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جق قونقوردا تونک مذاکره سی ایچون اشبو ۳۲۳ سنه سی اغستوسنک اون برنجی جمعه ایرتسی کونی محکمه مذکورده نک مصالح افلاسیه رؤیته مخصوص اوطه سنه کللری اعلان اولنور .

ازمید سنجانی بدایت محکمه سی اجرا دائره سنده :

در سعادته بیوک اطه ده مقیم آتمکچی باشی متوفی آغوب افندی ورثه سی مرقوه ی و قوه هارک و مارقرید خانملر ایله میقائیل وهراند و نرکیس افندیلرک اذمیدده چقورباغ محله سنده ساکن ریزلی کوسه اوغلی فرونجی ممش ذمتده برقطعه اعلام شرعی موجبجه آله جق لری اولان مبالغ معلومه نک تأمین استیفاسی ایچون مدیون مرقومک اذمیدده یوقارو چارشوده کائن شرقاً نعلبند و خانجی احمد اغا خانه سی غرباً نوری اغا قهوه خانه سی شمالاً طریق عام جنوباً حصار ایله محدود بر باب فرونک حجز و فروختی قرارلشدیرلش اولدیغندن تاریخ اعلاندن اعتباراً اون بش کون صوکره بالمزایده فروخت اولنه جنی اذمید سنجانی بدایت محکمه سی اجرا دائره سندن اعلان اولنور .

در سعادته بیوک اطه ده مقیم آتمکچی باشی متوفی آغوب افندی ورثه سی مرقوه ی و قوه هارک و مارقرید خانملر ایله میقائیل وهراند و نرکیس افندیلرک اذمیدده چقورباغ محله سنده ساکن شمیلی قهوه جی نوری اوسته ذمتده برقطعه اعلام موجبجه آله جق لری اولان مبالغ معلومه نک تأمین استیفاسی ایچون مدیون مرقومک رقم ابوابه متوجهاً غرباً مدیون مرقومک بقال دکانی شرقاً ممش اغا فرونی شمالاً طریق عام جنوباً ینه مرقومک آخوری ایله محدود بر باب قهوه خانه وینه محل مذکورده کائن شرقاً مرقومک محجوز قهوه خانه سی غرباً طریق عام شمالاً ینه طریق عام جنوباً آخور ایله محدود بر باب بقال دکانی وینه موقع مذکورده واقع شرقاً ممش اغا خانه سی غرباً طریق عام شمالاً حصار ایله محدود بر باب آخورک حجز و فروختی قرارلشدیرلش اولدیغندن تاریخ اعلاندن اعتباراً ارن بش کون صوکره بالمزایده فروخت اولنه جنی اذمید سنجانی بدایت محکمه سی اجرا دائره سندن اعلان اولنور .